


叢書集成續編 第一三四冊目錄

文學類



詩文別集——金元

寓庵集八卷·····	元 李 庭 撰	藕 香	一
虞文靖公道園全集六十卷·····	元 虞 集 撰	古棠書屋	五一
詩集八卷·····			五三
文集四十四卷·····			一三四
詩遺稿八卷·····			五八七
淵穎吳先生集十二卷附錄一卷附考異一卷·····	元 吳 萊 撰	續金華	六五九
	民 胡宗樞考異		

𩇛

𩇛

𩇛

卯

𩇛

寓庵集卷一

吳

元 李 庭 撰

五言古詩

送姚德寬大使還解

維昔金運衰四海兵浩浩真人起朔方氛祲付一掃姚侯并門秀風雲見幾早因時正鹽筴爲國佐征討雍容佩金節積功滿十考一心了無諍萬事但稱好著身豺虎羣竟以明哲保傳家有佳兒拂衣遽高蹈功名復遂身退乃天道白雲既無拘青山可娛老何須訪羨門方寸卽蓬島

題扈正之愚軒

賈誼逐以才晁錯死以智才智豈不佳反爲身之累竊武智而愚誰能企高致顏子叡而愚卒爲傳道器扈君

寓庵集卷一

曠達士老練世閒事驚禽屢傷弓良醫三折臂結廬曲江上庭宇幽且邃勝其軒曰愚蓋以愚自戲外愚中不愚顏甯無以異奴耕與婢織生理足自備清風一枕眠明月三杯醉傲屣祿萬鍾浮雲馬干駟冥冥天際鴻仰觀令人愧

古詩二十一首

涉渚采春蘭蘭生不盈握我欲持贈君路遠安可託昔者承君恩良厚不爲薄今君在萬里音書兩冥寞我憂君不知我意君不察蘭葉何青青馨香隨風發安得入君懷爲君解煩結悠悠終莫致脈脈心不絕

髮衰日已白形衰日已槁誰于形髮閒不隨形髮老浮雲日夕變青山依舊好此理非智求不在讀書早欲看杜陵花須上長安道

娟娟圓月明照見我心懷明月豈不美我懷自不佳黃

河決金隄東南流入淮誰令州與縣化爲狼與豺人命賤如土委棄不得埋憂來望中宵北斗當空排櫓槍不可視默默下西階

農家初闢地日夕把犁鋤荆棘總芟刈新苗漸成區勤勞不自怠瘠土爲膏腴憤彼後來人不念前人劬耕耘付童稚倉廩隨時虛遂令禾黍場化爲榛與蕪昔以一

人耕成此百畝居如何有百畝不能養其軀牛犢辭故舍華屋爲正墟牧豎不忍視落日空躊躇

蘆葉何挺挺稻葉何垂垂至寶不外眩高才恆自卑鄙生白首狂騁子扣角悲胸中有所負何必常人知念彼輕薄兒衣冠空陸離氣隨黃金盡皇皇竟何之古來觀人者不輕微賤時

寓庵集卷一

己所植私欣雨暘時亂離得安處貧賤何足悲

上山行采薪下山行采蘭采薪易粟歸采蘭棄草閒雖有君子心不如桃李顏方知出山賤不如長在山我欲遺所思路遠風雨寒嗟哉不能顧俯之淚洟瀾

道傍華表柱下有百年墓不知何代孫伐賣墳前樹伐樹尙可忍畏官留禁步棄地與他人遺骸一朝露薄葬古所敦雖貧反能固

堂前兩株樹朱夏結層陰相看坐終日愛此歲寒心故人離亂閒寄我孤桐琴不辭涉遠道以我爲知音登山覺山高汲井知井深不經洪鑪然不識真黃金丈夫同患難方知尺與尋傷彼市廛人滄海安足湛

荷花未出水荷葉已田田何不飄流去中有藕絲牽荷葉牽藕絲欲去不得去客子萬里行棲遲在中路豈無田與廬豈無親與故丈夫既出門雖親弗能顧去爲人

所憐歸爲人所慕安能隨燕雀低飛度朝暮

嫋嫋秋風起撼撼庭樹鳴浮雲有涼意白日向西行路
有羈旅人自言久徂征去年役交河今年戍彭城上功
在幕府官職未分明長鎗不得用黃金有餘榮荆棘被
原野流水不復清無官亦歸去天下何時平

遊子念故里日夕心懸懸微軀不自保遠道何當旋援
琴欲撫之一撫兩絕絃蒼天一何高海水一何深山高
與水深不如游子心安得雙羽翰歸飛投故林

婉婉良家子娟娟好顏色芳年不自愛誤爲鄰里識一
朝入漢宮引過長楸側雖然不得憐名在宮人籍已矣
復何言芳菲從此畢

靡蕪生水濱綠葉何委蛇閒以蘭與芷被彼清江湄清
江起洪流化爲濁水泥憔悴勿復道飄零渺難期所願
靡蕪草微根當自持

寓居集卷一

浩浩天地間二氣相推移流行不暫息主物適其宜天
地不生物用此將安施斯人七尺軀不與眾物齊聰明
百骸具豈但食與衣晨興暨夕息凜然當自持

被髮晞朝陽棲遲步行路春風吹百草歲月忽已暮客
從海上來潔白如秋露吹笙駕鶴縹渺雲中度教我
服華池令我顏色固

童子十二三汲水西澗阿水深不可汲白石生清波俯
首濯雙足既行亦既歌上山采紫芝下山牽綠蘿手持
一尺筆捷若猿猴過恐是黃初平驅羊下前坡我欲往
詢之奈此頑劣何

幽山中寺釋子二三人晨興擊鐘鼓誼誼誦靈文齋
罷各分散寂然無所聞或坐長松閒或行清澗濱采花
獻佛前不喜亦不嗔山頭日未出有客來扣門自云西
州士牧牛三十春問之無可言長歌下青雲

晨起坐西齋羣峯淨如寫初暘上其巔白雲在其下復
有丹碧林闌斑綴原野微風披拂之庭戶亦瀟灑優游
得清翫顧我何如者夢幻既非眞榮枯諒成假諸緣隨
所遇悠悠往蘭若

亭亭長松樹白雲護其顛飛鳥不敢下茯苓已千年蒼
鼠從何來便捷不可言倏忽在其後倏忽在其前昨昨
利指爪枝葉無由全念彼歲寒姿受此微物牽驅之不
得去撫之徒自憐

丞相出午門大夫已來迎兄弟同一家無相猶以爭豈
日無他人雖賢不如親晨出與暮歸以保我弟昆

送唐括萬戶出西門

淵淵伐征鼓煌煌過丈旗將軍乘大馬劒戟行相隨吉
日旣就道輜重同時移送者念疇昔行人傷別離丈夫
次戎旅私情何足悲勳名在多故斬伐勿愆期不驕亦

寓居集卷一

不歡堂堂乃王師勵子英妙年慰我憂虞思身輕君命
重行矣無遲遲

⑤妙觀設醮贈王真人

散花寥陽殿琅琅振瑤音雲璈閒笙磬香煙結層陰帝
眞馭華軒鸞鶴下來臨三元慶嘉會五老書丹枕秉誠
宣妙範流津滌中襟耀靈昭景貺信禮稽首欽

寄中峰兩道者

中峰兩道者落髮山中住不知今幾年忘卻來時路夜
靜星斗寒獨坐長松樹欲往從之遊冥冥隔煙霧

玉淵

霍山冠河東帝遣鎮茲土其下有濫泉浩浩自太古長
渠注町畦平地散膏乳熙熙兩縣民比屋飽秔稌傳巖
久寂寞誰解作霖雨藉此無盡波紓爾旱歲苦飛亭噉
洪源碧色浮棟宇昔人題玉淵無乃見其麤我將易新

名濟物功可取榜爲永賴泉萬世配神禹此玉潤在河東

七言古詩

送麻君信之歸河東

葳蕤九苞鳳璀璨五色麟由來瑞物應圖牒千古一出
驚時人河山蘊蓄英秀氣端爲王國生奇珍惜哉命不
與時偶悠悠白首埋風塵愛君一何深識君恨不早東
風二月汾水頭一見襟懷卽傾倒竭來平陽城得酒卽
相覓亭亭玉樹倚蒹葭自愧才華非匹敵一朝送我還
故鄉慨然相贈雲錦章到今六七年篋笥蘭蓀香不意
春來重會面一罇未盡還相餞秋鴻社燕兩恩恩別恨
蒼茫滿秦甸乾坤罨網方彌路黃鵠高飛莫回顧煙霞
從昔少人爭太華中條有佳處長安倦客亦思歸屈指
秋風定拂衣一曲紫芝千古意與君分采兩山薇
上馬行

寓庵集卷一

五

有馬有馬黃金羈公莫上馬公莫疑鸞翔虎躍日月動
掣電驚雷神鬼奇人閒靈物洞恍惚朝刷扶桑莫咸池
只愁控御失其道古人已逝能者誰豈無王良與造父
側立審視求其宜紛紛少年勤遠略便欲赤手驂蛟螭
攀鞍執策不自料眾人從吏來相催翩然上馬悔莫及
千里萬里無還期黃河流水不可度太行積雪安能馳
疾驅前途荆棘暗卻反故步煙塵迷徒御不來天欲暮
茫茫四顧斯何時公莫上馬公且來山中酒熟山花垂
長衫大帽風日好輕鞋短杖春遲遲童子雖嫌行步緩
老夫未覺精神疲流水悠悠川上過白雲漾漾天邊移
欲往卽往歸卽歸有馬有馬他人騎
跋支道林馬圖

衲僧愛馬疑千載好事相傳入圖畫一場譏評幾幾時
休到底無人爲開解道人心鏡湛虛明照物何曾有留

擬等閒觀色似觀空不離前塵得三昧養生還自解牛
悟全德或因畜雞解我今說破老師心從此披圖莫生
怪

題商山四皓圖

出商顏定漢儲高名千古與山俱書生白首成何事枉
著狂言穢畫圖

效鮑參軍體

蛛絲結網綠綺琴謂是絃絕無知音美人今朝拂拭去
金徽玉軫動人心上絃別鶴下離鸞翠房便娟春日閒
青絲白馬何當還

謝商參政惠銅雀瓦硯

左山相公清且廉惟餘好古心無虞家藏奇硯不知數
馬肝鳳咮盈箱篋建安鄴瓦年最遠愛惜不啻黃金兼
長鬚持贈慰衰朽以貴下賤何其謙一朝奇寶墮掌握

寓庵集卷一

六

坐覺光彩生窮簷既不能草賦擬三都頓使洛陽紙價
添又不能作碑福先寺要令一字酬三緘庸虛何以當
此贈赧然愧汗衣空沾聊書鄙語報勤厚博公一笑爲
掀髯

遊廣勝寺東巖

年來百念如寒灰老眼慵向時人開猶有愛山緣未斷
芒鞋信步東巖隈東巖幽勝甲晉境寒藤枯木生蒼苔
誰鑿雲根泄海眼驚波深瀉如奔雷衲僧具眼覩天奧
作亭闢爾臨淵洄亭中空洞納萬象收奇攬秀無遺材
倚欄清坐洗塵念灑然冰雪涵靈臺上方一目盡千里
勞筋未暇窮崔嵬百年名刹燼一炬可憐金碧成蒿萊
世閒興廢豈足道會看穹壤論三災短生乘化不暫駐
須臾變化隨風埃心知所歷皆夢境題詩漫識吾曾來
下山一笑便陳迹但見白塔蒼煙堆

送孟待制駕之

渥洼龍媒天馬子墮地一日能千里月中折得最高枝
回首銅駝荆棘裏學館淹留三十年白髮青衫誰料理
否極而泰乃固然一夕天書墮窗几掃盡塵氛日月開
金鑾玉署須英才萬言倚馬可立辦當使號令驅風雷
長楊羽獵未要作丹宸箴規固不惡丈夫致主必唐虞
太平勳業看眞儒

題古幽龍窩圖

古木陰森山突兀下有千尋老蛟窟養成頭角儘崢嶸
未得雲風且盤屈蝦蟆跳相斬侮鼻息如雷正齟齬
一聲霹靂飛上天普灑甘霖蘇萬物

息軒

黃塵滾滾平陽道去馬來牛幾時了小軒高枕謝勞生
曠達如君今亦少窗明几靜無一事三幅黃綃擁清曉

萬法本空人自擾

身如古廟瓦鑪閒性似碧潭霜月皎息之一字亦安用
萬法本空人自擾都將此理付無言簷外秋風搖碧篠
題劉光甫河山形勝圖

大河之源出崑崙伏流地中其水渾一曲一直九千里
遠歷西域來中原龍門千古仰聖作兩山宛然疏鑿痕
客舟萬艘付萬死蛟龍慘淡愁飛魂蒲關鐵牛駕長虹
牛力不支一已奔東經茅津勢逾壯激石射岸雲濤翻
首陽太華遙相望陝郊蒲坂俱名藩古來秦晉二大國
恃此天險傳世婚三門河面天上落底柱屹立迎朝曦
有如咸池濯日後梁公儼然烈言言客從西來憤登陟
艱難萬狀難具論忽開橫軸坐見此破墨者誰留東軒
國子先生不憚煩按圖尙惜遺孟門豈知河東有雄觀
天橋落落居上垣河流拍岸政湍猛漸如蝕月鉤許存
狂瀾俯首就束縛雖百雲夢以氣吞有時水底雷電擊

明朝數州雨翻盆上有層巒下重淵劍戟森然鼙鼓喧
奈何河山眞表裏水墨不沐詩人恩東徐呂梁周盟津
五嶽更有它山尊祇知齊國有管晏不覺我亦如公孫
君不見靈槎上天漢張騫貳師假途征大宛安得壯士
挽天河一時爲君洗乾坤光甫初云先大夫所畫止于酒子後題詩於前又述孟門之險亦君之舞也公當以大山之天橋繼其後各以胸中之河山爭勝以此故畧云具

李進之迂軒

先生心古貌亦古干戈滿地冠章甫既不學敝裘季子
佩印走六國又不學綠幘少年挾彈遊三輔一軒塊坐
工績文庭院不知漂麥雨長鬚倚門私自語作奴莫作
詩奴苦新吟初不療寒飢猶誦唐詩課兒女書生憐人
不自憐以江濟水吾猶汝莫嘲醬瓿覆文焉知後世無子雲

萬法本空人自擾

八

獨遊清窟

溪水無聲巖樹碧古苔滿地花狼藉我來蕭散淡無營
獨立看雲倚蒼石嗒然物我兩俱忘宛然枯蝸黏壞壁
一聲嘯鳥喚人歸隱隱殘陽下山脊

楊妃菊

漁陽鐵馬嘶函谷夜半青驪催幸蜀可憐倉卒馬嵬傍
三尺生綃縑紅玉沈香花萼變荆杞燐走螢飛鬼宵哭
妖魂一去復誰招脈脈餘妍託秋菊生前豔冶惑君王
後身精靈鍾草木長生私語香難憑萬古東籬怨幽獨
瑤肌被酒暈仍在粉頰生香睡初足晚來涼吹動纖枝
猶舞霓裳舊時曲當年傾國與傾城尤物移人詎爲福
至今嘉藕擅虛名徒使癡兒生愛慾秦川野叟妄習盡
老眼看花如隔數援毫未暇賦閒情且對南山吸樽醪
答邊巨源

蹇子平生酷愛閒雅思臥雲對青山天公憐慵故相惱
長使奔走塵埃間塵埃蔽目世路險左機右弄行良艱
長蛇磨牙蠶搖尾同人鬼域潛榛菅含沙射影期必中
巧若羿般無虛驚閉門久厭童稚話如帶桎梏囚重園
中宵好夢落林藪扁舟弄月清溪灣何時煙蘿一茆屋
烹煮芝朮扶危屏登危躡險筋力健追逐猿猱窮躋攀
振衣長嘯萬峰頂擾擾聚蟻悲人寰不然懷書叩閭闔
薦引正直誅邪姦滌瑕蕩穢布新令坐使萬姓開愁顏
惜哉兩事俱未遂向來綠鬢今華斑因君問我寫伊鬱
臨紙老淚空潺湲

題戴嵩牧牛圖

儂兒生長清溪曲雨笠煙蓑一生足春風綠草滿汀洲
千角吳牛隨意牧牧牛去來牧牛去往來慣踏溪頭路
溪深牛背穩於舟手掉荆鞭渾不懼畫師畫汝豈無情

寫唐集卷一

九

羨汝安閒得此生讀書覺官祇自苦畢竟無憂不如汝
又諸君同賦戴嵩牧牛圖效閑閑體

東皋雨足沙草肥爾牛來思朝露晞或訛或鳴恣所適
愛犢自是全天機阿童牛背吹橫竹聲入秋風斷還續
憑誰采取笛中曲留與詩人歌考牧

李彥成二首

聖人立論誰能破善必降祥淫必禍先生高義眾所推
抱病一生長坎壈太虛誰握造化柄報施如斯無乃左
跖者回天使人疑欲問穹蒼無路可賴公平日道力堅
洗滌萬緣惟宴坐心如古井自安閒身似空花儘開墮
適來適去總翛然壽夭窮通計那我慙俗學未有得
無恙頑皮強包裹不知旅枕寄邯鄲猶聒吟肩來飯顚
茶然疲彼幾時休安得如公脫纏鎖一杯濁酒醉東風
我弔公耶公弔我

天蒼蒼地茫茫紛紛人物滿八荒此身最爾寓尋尺何
啻一粒在太倉鳥飛兔蹶蹶暮往朝來無暫歇百
年倏爾寄須臾何似劍頭吹一吷富貴榮華都幾時九
原冢墓空纍纍了知生死皆夢幻來何足喜去何悲近
世誰人明此理河東通儒李夫子平生道學造精微眞
得南華骨中髓我初踵門來見公一談便契將無同公
今乘化返眞宅顧我猶在勞生中佳城鬱鬱荒山底一
首挽詩聊爾爾撻蓬不必問髑髏我信先生未嘗死

題甯戚扣角圖

星河耿耿天氣涼短衣飯牛哀歌長扣角一聲激清商
永懷堯日依末光嘗聞巢父逢堯讓洗耳河邊掉歸鞅
東皋雨足草連雲且與浩歌牛背上

贈李濟夫

結交貴以心相識不在面平生求友徧四方惟子始終

寫唐集卷一

十

無少變世間英俊達機權順世趨時若九轉朝爲管鮑
暮仇讎僅與市人爭一綫天乾地涸兩窮鱗吐沫相濡
定何戀乃知道義未全泯耿耿交情久方見十年晉陽
城閭盡輕肥兒賞音一夔足紛紛徒爾爲何以持贈君
千載青松枝願君保貞心勿逐時世移

贈王壽之

髯兄少日人中豪文章談論天姿高讀書萬卷更讀律
掉頭不肯爲蕭曹一行挾策作舉子紛紛憂患如牛毛
晚年欲學柳下惠屈身小職甘哺糟我謂髯兄君勿恥
向日都非今日是早知刀筆勝儒冠不向寒山翻故紙
文班揚馬行顏閔餓死蒿萊竟誰問一編城旦作梯媒
篋有黃金腰有印

韓邦傑清音亭

青山四合如圍屏下有百折流泉鳴泉鳴非宮亦非徵

中含太古之遺聲今人好今不好古此地久曠無人爭
勸農使者有高趣居官不爲官所撓游心雅在塵垢外
茅亭巧構臨寒泓空山夜寂秋月明耳邊淙淙復琤琤
初疑庖犧五十絃之瑟又類女媧十三篳之笙絲耶竹
耶兩莫辨但覺灑然境與心俱清迺知山水中閒元有
自然之雅曲不待五音六律足以移人情伯牙已矣不
復生水仙一操空留名爾後惟有漫郎得此意南澗水
樂千載無虧成九原英靈如可作相邀徑上清音亭一
樽濁酒聊同傾

薦士爲希

崑崙駭浪從天下魚躍龍門爭變化誰令蝦蟇作威福
無翼黃金飛半夜豈知林壑有佳士偃蹇蒼煙索高價
竹花不實雷飢死腐鼠區區謾勞嚇薦賢有墨卿誰磨
撫劍悲歌駭鄰舍擬欲排雲叫帝闕守關虎豹令人怕

富康集卷一

十二

知君學道深履踐道德今爲二程亞素衣不染洛陽塵
凜凜高標齊太華優游諷議大官側餘論齒牙當一借
異時安石起東山鄙夫敬爲蒼生謝

城頭曲

長安城堅鐵不如女牆隱隱凌空虛萬夫運土千夫築
朝完暮緝良勤劬詰朝魯箭飛輕羽半夜貔貅散風雨
自焚一炬更可憐不見重樓見焦土百年人事等閒休
殘日荒煙動客愁壕中春水年年綠時有漁郎擲釣鉤
雪谷早行圖爲鄧彥清賦

鄧君北來自汾水遠寄故人書一紙手持雪谷早行圖
邀我題詩借褒美我初少年酷愛山夢裏見山心亦喜
有時杖履遊山閒路轉峰回興無已一朝四海風塵昏
拋擲田園鼠荆杞窮冬蹋雪過南山玉樹瓊林一千里
蹇驢破帽畫圖中忍凍吟詩飢欲死天教漏網盡餘齡

否極而亨固其理長安市上酒如川日日醉眠呼不起
黃紬被底有華胥深怕南山來夢裏還君此圖君且止
渡水穿雲吾老矣

送長源李弟西歸岐陽

秋風落葉關樹遙秋河耿耿晨星高比鄰誰家剪刀響
遊子一夜歸且勞人閒畏途足風濤長裾何適不自豪
秦中舊遊若相問爲我鄭重今繞朝

含之殿謠

南山蒼蒼渭水黃含之殿上春草長鬚頭野老駕羸犂
曉犁耕破宮中牆宮中行人屢回首西望長安小于斗
喧喧車馬鬧紅塵畢竟幾人金石壽

富康集卷一

富康集卷一

十三

寓庵集卷二

五言律詩

過白嶺華嚴寺

按行來北嶺，節過茲山野。寺斜陽裏鐘樓古，樹閒入門流水細。獨坐老僧還共倚，闌干望翻憐白鳥閒。

七言律詩

送徐子方郎中

劍外方屯十萬師，運籌帷幄要英奇。人材惟有徐孺子，士論共推劉穆之。雲棧路危休叱馭，錦江花好賸留詩。廟堂正闕經綸手，旦夕除書下玉墀。

送鮑郎中

干戈一息指南陬，正是男兒報國秋。趨走蘭墀雖密邇，笑談油幕也風流。霜嚴岷嶺朝揮策，月冷巴江夜泊舟。

寓庵集卷二

南斗妖氛須快掃，早傳吉語到中州。

送李郎中二首

傾蓋相逢甫隔年，驪駒聲裏又離筵。人生聚散真無定，世事翻騰亦可憐。顧我分無蘇子印，贈君聊舉繞朝鞭。東州耆舊如相問，爲說昏昏只醉眠。

世路風波口益深，權門噂噀老難任。勞生笑我淹黃卷，待士承君吐赤心。五載感恩空有淚，一詩餽賏愧無金。

翔翔臺省應非晚，猶覬飛章起陸沈。

送楊郎中

西漢儒宗揚子雲，遙遙華胄豈無人。著書不得文力，筮仕還居要路津。已播仁風安四蜀，更施膏澤灑三秦。

閭閻疾苦君應悉，細草封章達紫宸。

送李子玉郎中之大理

聖代兵威暢海涯，英才奉命殿南陲。莫辭路徑穿豺虎，

要使功名勒鼎彝。雨露行雷蠻境土，人民初識漢旌旗。捷音定逐春風至，看除書下玉墀。

寄省部郎中高柔克

萬里秋風一鶚飛，如君才器正當時。蕭曹事業真遊戲，孔孟門庭要護持。疲馬敢思逢伯樂，斷絃何幸得鍾期。桑榆景迫身猶健，異日須酬國士知。

送徐郎中之蜀

獵獵霜風捲旆旌，一鞭行色指巴川。軍中正仰裴丞相，幕下仍登魯仲連。已辦運籌梟逆虜，不妨橫槊賦新篇。凱還定在春前後，看除書下九天。

送金郎中

一杯濁酒送君行，莫聽陽關墮淚聲。男子致身須富貴，古人刻意只功名。休辭蜀道登天險，要使蠻方指日平。奏凱歸來應不遠，梨花樹底醉清明。

寓庵集卷二

送楊煥然赴召秦中兼簡

已爲鱸魚早退休，未容野水寄孤舟。衣冠北渡無多子，詞賦東原第一流。天護漢儲留用里，人瞻秦府是瀛州。花時爛賞龍池罷，因過清門覓故侯。

送高雄飛北上二首

簡在王庭早歲知，到今恰作送行詩。元無貢禹彈冠意，政似毛生捧檄時。司馬且依東道主，驚猿毋效北山移。他年經濟功名了，歸養雞窠亦未遲。

鶴髮能抗鶴書鄰，翁力疾勸脂車情。知大器無近用，還嫌清溝映濁渠。螢雪不孤稱武庫，風雲應也護儲胥。

鳳兮旣上人爭覩，名豈望王門但曳裾。

送宋文卿北上二首

聞道營田得力來，河南五稔佐行臺。積成紅腐饒軍餉，放出黃雲掩劫灰。已見鸚鵡爲地好，看鸞詔自天開。

長裾戀戀爭先祝領得春風早早迴

虎豹休憎上九天含香曾近御牀前暫勞憊下追風驃

一作安用人間使鬼錢自古郎官猶宰縣至今員外也

足屯田歸期政把黃華酒便與經營到百船

送宣課粘合正卿北上二首

黃色眉間一點嘉北風驕馬歎龍沙春秋朝會新王命

文武衣冠舊世家綸綽自分卿月掌斗牛須問客星槎

歸期定在春前後一作高著桃李重開錦上花

英才教育人皆樂獨愧蹉然兩鬢絲樹映階除真有子

門盈序序豈無師何時賓閣東開日政值征車北上時

記取仲宣遙望處未歸頻讀送行詩以正卿新請教

送石子璋北上

滄海橫流不見邊徒杠石倒賴藤纏何人解補中原道

老馬重過敕勒川河朔賞音依舊好趙州詩句斬新鐫

東垣儘有磨崖在更看繩橋第二篇

送李德新北上

不躡槐華二十年靜中卻遂讀書緣共知驥伏須千里

誰料鵬搏又一天有詔特超毛義檄更寒休計廣文甑

此行要試經綸手好整巍冠入講筵

送張耀卿北上

旌車走徧太行東晚得嘉賓自幕中莫比草茅參國論

已從藁薦補天工四時蔥嶺書年雪六月松林解愠風

久識天孫機上石更休擎下斗牛宮

寄郝紹先外郎

天眷西平雨露偏寶僚妙選必英賢關中政仰肅丞相

幕下仍登魯仲連一硯寒冰晨草檄滿樓明月夜簫邊

快須努力平逋寇青史功名屬少年

送劉謙外郎

少年錦帶佩吳鉤乍別庭闈作遠遊正馬飄零天一角

歸心搖蕩月三秋綵衣行遂親喜白酒聊忘去國憂

明日關河邈千里為君重倚仲宣樓

神英劍李文

利器來從闕國西澄波三尺白差差見韓埋花荒徹餘

千載假手英材此一時持報私讎非烈士削平大難即

男兒莫教化作蛟龍去要看成功刻鼎彝

神毅劍朱子實出舊作兩劍差說

紫電青萍未易求天教神物耀中州匣藏惟恐寒蛟吼

壁挂常令老魅愁高義幾人知季札孤忠千古只朱游

願君勳業超前輩穩占凌煙最上頭

送宋大使

四海疲民未息肩九重聖主正思賢風雲適遇千齡會

鸞鶴高飛萬里天願我尙淹原憲巷羨君先著祖生鞭

皂囊亟上安邊策咫尺除書墮日邊

弔平陽崔教授

三絕韋編老不休力窮聖學造深幽胸中拍塞書千卷

身後淒涼土一邱生也有涯能幾許斃而得正復何求

素車迢遞無由到灑淚題詩寄舊遊

弔郭器之二首

丁年聲價動文闈白首無成坐數奇筆掃千軍空自負

學傳三篋竟何施黃墟樽俎驚前夢繡嶺風煙阻後期

顧我平生心似鐵數行老淚為君垂

獨騎瘦馬逐公侯誰念文園久倦遊百指煎熬真若海

一官落拓亦何樓塵封錦瑟因緣斷骨掩黃泉意氣休

平日英靈應未泯宜將至樂問莊周

弔紫陽先生

可憐無位到公卿清風爽氣還靈岳賸馥殘膏丐後生
誰割囊金刻遺墓坐令千載見高名

弔陳季淵

妙齡豪邁氣衝天萬里亨衢祖述鞭正馬從軍纔幾日
大昭挂壁已三年一場旅夢邯鄲枕四海詩名釣笑泉
入極神遊復何恨不須灑淚弔新阡

弔王君寶

桂折蘭摧不待年道邊空歎直如絃一朝寵命來天上
千古佳城墮馬前無復賓朋過故里唯餘狐兔走新阡
練裙嘔溼孤兒血誰草長書爲薦筵

弔郭好問郎中

萬斛鹹鹺隱禍胎臯羊肉飽玉鱗摧捨生取義雖傷勇
觀過知仁亦可哀白骨銜冤無處訴蒼天有眼幾時開
英賢取監元非遠覆轍應須戒後來

高麗集卷二

十七

弔孟駕之待制

黃甲題名正妙齡心期平步到公卿忽驚日月天邊改
竟使麒麟地上行一幅長書留禁坐千秋英骨闕佳城
遺孤惟有西華在誰動當年故友情

弔遊商卿

世閒生死本尋常零落如君獨可傷千里徒勞懷故國
一棺畢竟葬他鄉塵封黃卷因緣斷魂入青山怨思長
平日交遊誰最厚道邊嘯煞練裙郎

弔塵公

方袍遊戲寓塵寰六秩光陰俯仰閒幻化色身雖有壞
妙明覺性本無還雲來雲去天長淨花落花開樹自閒
畢竟性靈何處在一輪秋月照姑山

送商宣撫東歸

陌上方傳五袴歌遽呼歸騎整鳴珂六年美政誰能繼

一片清明得已多秦國終難留士會齊人應久待鄒軻
高眠莫作東山計四海疲民要撫摩

送王大用都事之東川

激澗離杯滿意傾送君迢遞赴邊城紅塵鞍馬三千里
黃葉關河第一程志節每因難處見功名要及壯年成
凱還定在春前後鴻鴈來時早寄聲

送趙都事

玉音一旦落彤墀正直聲名草木知素抱皋夔匡國志
適逢堯舜渴賢時榛荆蔽路須芟刈蘭蕙當門要護持
九萬鵬程從此始一飛端擬到天池

送焦僉事赴闕

軺車遠自日邊來金節煌煌佐外臺威懾豺狼應膽破
歡生田里覺春迴三年已展澄清志萬乘方思幹濟才
比到皇州花正發除書宜對綺筵開

高麗集卷二

十八

題同氏孝友堂

堂上逍遙白髮親堂前兄弟綵衣新一杯椒酒有真樂
終日壘簾皆好春名教既無慚孔孟家聲端合繼荀陳
殘年企慕心猶在早晚營錢去買鄰

遇仙橋

湛湛溪流浸古苔仙真相遇此徘徊一瓢玉液逡巡就
七朵金蓮次第開雲海難尋歸去路乾坤惟有劫餘灰
只應華表千年鶴會爲家山一再來

海東青

朝對天東暮海西握拳一夕不沾泥眼涵秋水凌霜鶻
衣染春風壓錦雞飛騎有門臨水放頭鵝無路與雲齊
長楊掌上精神在未信而今首便低

劉彥朴索月旦評詩

亂後人才久混并誰能著眼向高明汝南莫詫先賢傳

陝右重新月旦評妍醜固難逃水鑑重輕終不離權衡
卻防暗裏曹瞞至世上姦雄要指名

挽康唐鑑

憐子擔簦過鎮陽嗟予已罷紫微郎秋闈舊入參軍夢
素和乙丑未試前有郊公者老境重升達者堂同寓文
夢康與子歲解既而果然老境重升達者堂同寓文
每論五行求子母忽驚一病到膏肓時危留得山濤在
定保孤兒不負康

挽吳德明

公太原石州人承安初中乙科崇慶末始
召南渡同丙午春捐館竟不曾還家

憐君薄命重君才老腳初登郭隗臺三戰不支逢虎怒

六駢俄去失龍媒漢家翻覆雲千里燕市浮沈酒一杯
遙憶兩楹春夢斷英靈須到石州來一作全節卻從天
付與北風不放鶴

曹京父清暉亭

牆下溪流屋上山高亭穩著茂林閒波光雲影相搖蕩

寄唐集卷二

十九

谷鳥沙禽互往還已拚千金待賓友更分餘粟濟惻鰥

人中曠達如君少鄙吝聞風亦厚顏

送太原鹽使徐進之

鶚薦初登北路徐王言褒美拜新除萬家自溢牢盆利

一府行空訟簡書富媼孕靈真不負漕臺舉善果何如

明年奏課魁天下畫錦煌煌耀里閭

卯瓶

鳳凰遺卵入青冥陶匠規模製此瓶夏蘭結成渾具體

秋瓜采得卽眞形佩壺愧我無才思調鼎知君有典刑

微物深慚瓊玖報願藏篋笥寶千齡

寄雷彥正監察

拂曉除書出漢宮憲司新起紫髯公從來不負將軍腹

今日宜乘御史驄威儀豺狼應斂跡名喧臺閣自生風

赤心報國從茲始要使家聲繼乃翁

仇屋

三十年居北斗城有家無舍可憐生每慚燕子營巢穩
不及蝸牛載屋行一寸荒田無計得萬閒廣廈幾時成
拂衣明月南山去高樹巢雲老太平

謝奧屯元帥就趙莊相訪

寂寞荒村客到稀山樵野牧共忘機忽驚天上黃金節
來訪田中白板扉豈特鄉閭增慕羨便疑林壑有光輝

他年父老談奇事親見元戎下布衣

寄竇子升學士

平水分襟四十年雲泥蹤跡渺相懸嗟子汨沒塵中老
羨子逍遙物外仙聚首莫諧今日願論心更結後生緣

三千里外無媒客北望題詩一泫然

上簽省相公二首

先世陰功被萬民天教繼踵出名臣胸中兵甲元無敵

寄唐集卷二

三

筆底龍蛇信有神已把清名留四蜀又驅和氣入三秦

金貂七葉從今始掌上驪珠已可人

虎攫龍拏得志秋世閒長物只儒流三更老雨廬仝屋

八月涼風季子裘到處送人爲太守幾時騎鶴上揚州

君侯有眼明於月誰謂隋珠是暗投

劍佩

劍佩揚揚入廟堂百年禮樂暗消亡惟應東海帆檣阻

遂使中原草樹荒九鼎不移周社稷兩都誰讀漢文章

青山綠水非前日滿眼清愁接渺茫

和姚尚書

蟻宮得意無多味蝸角追奔有底忙都把生涯付醺醺

莫將行止問穹蒼山頭雨過丹青溼花外風來錦繡香

嘯傲林邱聊自適不須尸祝擾庚桑

寄張尙書

憶昔長安拜下風相逢相別大恩慙雲泥頓覺九霄隔
魚鴈都無一信通幸已致身全富貴政宜垂手援孤窮
坐令暖氣回寒谷盡在君侯咳唾中

清明有感

歲月如流老可驚此身更得幾清明吟詩對酒心雖在
問柳尋花計未成壁上人閒靈運屣牀頭深負景山銘
不應後鳥山林性終向樊籠過此生

阿房宮

六國平來志益驕擬將宮闕壓前朝力營肯恤秦民苦
勢盡還遭楚火燒月照荒城秋悄悄風摧落木曉蕭蕭
上階三尺平生了長使人心憶帝堯

上張按察

地關天開日月光政資耆德振臺綱威名久仰暴公子
直氣共推王義方一夕清風生白簡千秋遺愛在甘棠

賀王按察以陝西都運使就改此職

王

重瞳如想調元手定逐春風入帝鄉

丹詔飛來白日邊繡衣光彩照華筵平生素有澄清志

今日新操糾察權當路豺狼應掃迹得時鵬鶚正摩天

就中喜殺孤寒士從此依劉更幾年

贈鹿泉隱者

返哺烏鵲滿樹風迴頭一夢大槐宮致身寵辱虧成外
得味清虛澹泊中泉上猶存千歲鹿山中復見五噫鴻
東華縱有香塵在留與他人蹋輭紅

閨世

時危尊賤豈由天忽上青雲忽九泉腰下恰懸蘇子印
民間已罷鄧家錢紛紛世變誰能料悄悄羈懷實可憐

歸向老妻愚子說寒菹糲飯任吾年

劉彥朴贈紫竹杖

九節亭亭紫玉殷寄來新自漢中山適從處士提攜後
遽落詩人掌握閒雅稱穿花尋酒伴更宜和月叩禪關
龍冠草屨成三友林下相從伴我閒

送楊御史

霄漢雲收日月開澄清天下屬英才太平官府久不見
獨步中丞今始來淹事江草木氣蘇三日雨豺狼膽碎一
聲雷繡衣快逐春風去趁飲朝堂軟腳杯唐郭子

冬夜不寐寄彥成二首

撥盡鑪灰覺夜長半庭殘月炯如霜枯腸政坐成茶祟
短夢無由達睡鄉不速自來詩易就欲收還去念難防
何時一擬襄陽老重叩南華學坐忘

半庭殘月晃疏櫺凝坐寒齋似冷蠅遮眼朦朧數行字
伴人岑寂一龕燈衰年漸與睡鄉隔妄念還依覺海澄
爲報山妻莫相誚慙慙供養在家僧

題談子文秀麓軒

王

舊日城南尺五天菟裘於此卜終焉可人花木餘三徑

隨分風煙了一廬朝霽得山秋更好晚涼臨水夏猶偏

籃舁直候招呼去人道淵明未若賢

題商山四皓圖

鹿冠蓬鬢傲金貂心與商顏夜月高正厭鮑魚腥玉璽

更堪人篋汚金刀之纁旣至幡然改羽翼才能惡此逃

回首巖花幾零落功名一笑付兒曹

渭水道中

鞭催瘦蹕蹋晴沙路人青林一徑斜翠嶺倚空千萬疊
黃茅映竹兩三家嘲嘲嘶嘶山禽語白白紅紅野草花
卻喜太平還有象叢祠春賽響琵琶

題董彥才易簣戒子納書後并序

退菴先生長于僕數歲初以詞賦應進士舉同試長

安其後會于峽再會于平陽故熟知其爲人蓋疏通
周慎君子也正大閒用宰相薦書補西臺掾一時聲
名藉甚士大夫咸以遠大期之惜乎遭值變故胸中
所蘊百不一施齋恨九原良可悲也然臨終方寸不
亂戒飭其子丁甯明了如此英靈之氣決不沈沒亦
足以驗平昔存養之功矣今大園冠方履讀聖人書
往往自謂能窮理盡性及一旦易簣之際鮮有不顛
倒迷錯者聞退菴之風能無愧乎因作詩以道其事
云

試手西臺便老成吏才儒術兩崢嶸干戈莫展平生蘊
山斗空留後世名一紙遺書彰絕筆千秋英骨闕佳城
誰言精爽從茲盡月挂天心夜夜明
送同周道之郊省外祖鵷野先生
孔孟云亡道不傳直從韓子到伊川闡揚聖學三千卷

振起醇風五百年正氣幾隨薄俗壞橫枝賴有外孫賢
篋中亟發凌雲草莫待雷霆取上天
寄宋文卿二首時在大梁也

堆鹽庭院夜深寒羅雀門牆晝掩關揚子素貧②草在
馬卿多病酒杯閒衰年涉世猶糊口往事逢人已厚顏
明日登樓重回首五噫歌罷看西山

老思生入玉門一作朱門關賦更哀於庾子山洛下衣冠蓬
轉裏梁王臺殿黍離閒鵬搏想快三千里驢伏③攀十
二閑魚雁不來空悵望滹沱冰合朔風寒

寄寧端甫

一別同年歲月深雲泥今日異升沈大鵬已展垂天翼
老馬空懷戀豆心繡被擁香君醉臥蓬窗聽雨我孤吟
救民自是吾儒事洗耳西風俟好音
寄孟玉潤

逢人問我驚猶在白髮蒼顏薛荔衣舊日情懷清夢斷
故人音信曙星稀小窗梧竹知何處遠道風煙未得歸
多感畫圖相贈與形容已比向來非

寄王百一二首

應教松林更著書體中春到又何如聽知人去須思汝
寄得詩來已起予湛露固應勝醴酒秋風猶恐憶鱸魚
北堂花外西樓月壓倒知章舊鑑湖

禾黍于今滿故宮草茅疇昔過新豐青衫歷偏人閒世
白首翻成塞上翁有意坐依豚犬輩無方遠避虎狼叢
略來灰背晴簷底閒著雕蟲戲小童

再用送邦彥韻道懷遠寄

憶昔班荆會鄧州何心託子楚之遊他時天上須開眼
今日人間只點頭老馬尚銜秦地草白雲猶憶漢時秋
釣魚船上千行淚不爲清朝不得俟

寄唐集卷二

趙景溫還燕以詩寄梁都運

北來南去幾征鴻十載燕山在眼中邂逅相逢三語掾
平安首問五噫公解貂貰酒誰家子擊筑行歌故國風
落日黃金臺下過也應無處說詩窮

寄毛顯卿

華髮蒼顏兩病翁長因杯酒鬪英雄愛君真率如元亮
笑我疏狂似次公轉首睽違經歲久幾時談笑一樽同
昔人命駕輕千里咫尺長安在目中

寄從戒師李大年

窮居索莫少知音二老風流肯見尋妙藥時聞康子饋
醇醪屢荷遠公斟南來嗟我計尤拙北望思君情轉深
何日一尊重會面停杯細話別離心

含④殿

巨棟層簷切絳霞昔年宮殿阿婆家雲埋蒼海將頽日

淚溼黃臺幾摘瓜劫火併燒還快意妖魂如在悔窮奢
區區一賦誇雄麗千古令人笑李華

咸陽懷古 唐齊老學叢談引此詩

連雞勢盡霸圖新兀兀宮牆壓渭濱指鹿只能欺二世
沐猴那解定三秦倚天樓觀餘焦土落日山河幾戰塵
過洛陽 今古悠悠同一轍不須作賦弔前人

恩多自斷殺身酬聞道隆中召武侯外禦豈期生內變
後圖猶擬雪前羞鼎湖龍去九霄遠雪窖鴈來雙鬢秋
慚愧詩人懷古意離離禾黍賦東周
長安耆年圖二十二人到今零落殆盡惟予獨存感歎
之餘因題是詩

二十一人皆鬼錄此身獨在豈非天青錢不得龍頭選
白髮空逾亥首年樽俎笑談良已矣畫圖形像只依然

萬曆庚子

王

比方諸老如差勝盼得昇平在眼前

九日登咸陽殿

萬壘南山翠作堆故宮登覽思悠哉清霜籬落黃花老
紅葉關河白鴈來弔古莫沾襟上淚澆愁須盡掌中杯
情知今日咸陽殿壓倒當年戲馬臺

萬壽宮

傑閣雄樓映碧山藥畦蔬圃水潺潺軒藏修竹不知暑
鶴與孤雲相伴閒見說兵塵連海外豈期蓬島在人閒
何時磨滅俗緣盡來向仙人問大還

寄徒單雲甫

山斗高名四十秋晚年始得上瀛洲胸中學問傳三篋
天下英豪放一頭定有謀猷酬帝眷肯將藻繪混時流
草茅亦抱陳忠志老病無階接僑遊
別後寄平陽諸公四首

識字雖多不救飢遑遑此去欲何之季膺自合歸來早
初子猶慙隱去遲胞管繁絃休入夢矮梅高竹政宜詩
布帆無恙行人健預報故山猿鶴知

臨歧草草具杯盤綠酒雖傾慘不歡歲久始知交契重
老來更覺別離難煙迷晚樹人初遠路入春蕪眼漸寬
自笑平生聞道淺陽關聲裏涕洟瀾

一寸歸心折大刀短轅長路敢辭勞疲駑脫鞅精神健
老鶴辭籠羽翼高詩社催科餘舊欠醉鄉閱戶有新逃
到家恰是清明節卻拆紅泥對小桃

乍別親朋易感傷卻登高處望平陽深情密契三千日
痛飲狂歌幾百場豺虎縱橫難再會河山迢遞永相望
年年多少南飛雁莫惜音書寄兩行

通明閣

萬瓦鱗差壓秀楹李自詩今作魏魏層構類天成俯臨

萬曆庚子

王

曠野千峰小高與浮雲一樣平陸海風煙藏勝境塵寰
歲月愧虛名茲遊奇絕真堪紀不負揚鞭過兩京

又

勢壓秦關百二雄層簷高棟倚晴空鳥沈落月蒼茫外
身在霏煙縹緲中塵世自迷亡鹿夢仙山元有化人宮
憑誰乞我飛霞佩徑上扶搖萬里風

王內翰挽詞

經師論議史臣才歷徧熙朝館閣來往事盡隨流水去
高名豈逐泰山頽少微妖氣應何速滄海狂瀾誰與迴
萃美亭前松柏恨夜臺何必就廉臺公死於秦山之萃美亭東州士大夫將

下葬於此重遠孝子之心而止

送道者還王祖師庵

路入蒲關春草長終南歸隱祖師堂雲開絕頂諸峯小
竹閣危亭五月涼華表鶴來塵世換山陰鵝去舊池荒